

全上古三代秦漢三國六朝文

全後魏文卷三十八

烏程嚴可均校輯

劉芳

芳字伯文彭城人

北史作字伯文彭城散亭里人

漢楚元王交之後文明太后

擢兼主客郎尋拜中書博士進中書侍郎授皇太子經遷太子
庶子兼員外散騎常侍尋除正兼通直常侍超遷國子祭酒遭
母憂起爲輔國將軍太尉長史徐州大中正行徐州事兼侍中
宣武卽位正侍中遷中書令出除安東將軍青州刺史轉太常
卿延昌二年卒贈鎮東將軍徐州刺史謚曰文貞有毛詩箋音
義證十卷儀禮周官義證各五卷王肅注尙書音鄭注儀禮周
官音千寶注周官音何休注公羊音范甯注穀梁音韋昭注國
語音范曄後漢書音各一卷辨類三卷徐州人地錄四十卷急
就篇音義證三卷

立學表

夫爲國家者罔不崇儒尊道。學教爲先。誠復政有質文。茲範不易。諒由萬端資始。眾務稟法。故也。唐虞已往。典籍無據。隆周曰降。任居虎門。周禮大司樂云。師氏掌曰。媿詔王居虎門之左。司王朝掌國中事。曰。敎國子弟。蔡氏勸學篇云。周之師氏居虎門左。敷陳六藝。曰。敎國子。今之祭酒。卽周師氏。洛陽記國子學宮與天子宮對。太學在開陽門外。案學記云。古之王者建國親民。敎學爲先。鄭氏注云。內則設師保。曰。敎使國子學焉。外則有太學庠序之官。由斯而言。國學在內。太學在外。明矣。案如洛陽記。猶有仿像。臣愚謂今旣徙縣崧瀨。皇居伊洛。宮闕府寺。僉復故址。至于國學。豈可舛替。校量舊事。應在宮門之左。至如太學基所。炳在。仍舊營構。

太和二十年。發敕立四門博士。于四門置學。臣案自周已上。學惟曰二。或尙西。或尙東。或貴在國。或貴在郊。爰暨周室。學蓋有六。師

氏居內太學在國四小在郊禮記云周人養庶老于虞庠虞庠在國之西郊禮又云天子設四學當入學而太子齒注云四學周四郊之虞庠也案大戴保傅篇云帝入東學尚親而貴仁帝入南學尚齒而貴信帝入西學尚賢而貴德帝入北學尚貴而尊爵帝入太學承師而問道周之五學于此彌彰案鄭注學記周則六學所目然者注云內則設師保曰敎使國子學焉外則有太學庠序之官此其證也漢魏已降無復四郊謹尋先旨宜在四門案王肅注云天子四郊有學去王都五十里攷之鄭氏不云遠近今太學故址基址寬曠四郊別置相去遼闊檢督難周計太學坊并作四門猶爲太廣曰臣愚量同處無嫌且今時制置多循中代未審四學應從古不求集名儒禮官議其定所

魏書劉芳傳

修理金石樂器表

禮樂事大不容輒決自非博延公卿廣集儒彥討論得失研窮是

非則無日垂之萬葉爲不朽之式

魏書劉芳傳

郊壇疏

臣聞國之大事莫先郊祀郊祀之本實在審位是日列聖格言彪炳綿籍先儒正論昭著經史臣學謝全經業乖通古豈可輕薦瞽言妄陳管說竊見所置壇祠遠近之宜攷之典制或未允衷既曰職司請陳膚淺孟春令云其數八又云迎春于東郊盧植云東郊八里之郊也賈逵云東郊木帝太昊八里許慎云東郊八里郊也鄭玄孟春令注云王居明堂禮曰王出十五里迎春蓋殷禮也周禮近郊五十里鄭玄別注云東郊去都城八里高誘云迎春氣于東方八里郊也王肅云東郊八里因木數也此皆同謂春郊八里之明據也孟夏令云其數七又云迎夏于南郊盧植云南郊七里郊也賈逵云南郊火帝炎帝七里許慎云南郊七里郊也鄭玄云南郊去都城七里高誘云南郊七里之郊也王肅云南郊七里因

火數也。此又南郊七里之審據也。中央令云：其數五。盧植云：中郊五里之郊也。賈逵云：中央黃帝之位，并南郊之季，故云兆五帝于四郊也。鄭玄云：中郊，西南未地，去都城五里。此又中郊五里之審據也。孟秋令云：其數九。又曰：迎秋于西郊。盧植云：西郊九里郊。賈逵云：西郊，金帝少皞九里。許慎云：西郊九里郊也。鄭玄云：西郊去都城九里。高誘云：西郊九里之郊也。王肅云：西郊九里，因金數也。此又西郊九里之審據也。孟冬令云：其數六。又云：迎冬于北郊。盧植云：北郊六里郊也。賈逵云：北郊，水帝顓頊六里。許慎云：北郊六里郊也。鄭玄云：北郊去都城六里。高誘云：北郊六里之郊也。王肅云：北郊六里，因水數也。此又北郊六里之審據也。宋氏含文嘉注云：周禮主畿千里，二十分其一，曰爲近郊。近郊五十里，倍之爲遠郊。迎王氣，蓋于近郊。漢不設王畿，則曰其方數爲郊處。故東郊八里，南郊七里，西郊九里，北郊六里。中郊在西南未地五里。祭祀志

云建武二年正月初制郊兆于雒陽城南七里依采元始中故事北郊在雒陽城北四里此又漢世南北郊之明據也今地祇準此至如三十里之郊進乖鄭玄所引殷周二代之據退違漢魏所行故事凡邑外曰郊今計四郊各自郭門爲限里數依上禮朝拜日月皆于東西門外今日月之位去城東西路各三十竊又未審禮又云祭日于壇祭月于坎今計造如上禮儀志云立高禪祠于城南不云里數故今仍舊靈星本非禮事兆自漢初專爲祈田恆隸郡縣郊祀志云高祖五年制詔御史其令天下立靈星祠牲用太牢縣邑令長得祠晉祠令云郡縣國祠稷社先農縣又祠靈星此靈星在天下諸縣之明據也周公廟所曰別在洛陽者蓋姬旦創成洛邑故傳世洛陽崇祠不絕曰彰厥庸夷齊廟者亦世爲洛陽界內神祠今竝移太常恐乖其本天下此類甚眾皆當部郡縣修理公私施之禱請竊惟太常所司郊廟神祇自有常限無宜臨時

斟酌曰意若遂爾妄營則不免淫祀二祠在太常在洛陽于國一也然貴在審本臣曰愚蔽謬忝今職攷括墳籍博采羣議既無異端謂粗可依據今立冬務隙野罄人閑遷易郊壇二三爲便

魏書劉芳

傳北史四十二

社稷宜樹木疏

依合朔儀注曰有變曰朱絲爲繩曰繞係社樹三匝而今無樹又周禮司徒職云設其社稷之壇而樹之田主各曰其社之土所宜木鄭玄注云所宜木謂若松柏栗也此其一證也又小司徒封人職云掌設王之社壇爲畿封而樹之鄭玄注云不言稷者王主于社稷社之細也此其二證也又論語曰哀公問社于宰我宰我對曰夏后氏曰松殷人曰柏周人曰栗是乃土地之所宜也此其三證也又白虎通云社稷所曰有樹何也尊而識之也使民望見卽敬之又所曰表功也案此正解所曰有樹之義了不論有之與無

也此其四證也此云社稷所曰有樹何然則稷亦有樹明矣又五經通義云天子太社王社諸侯國社侯社制度奈何曰社皆有垣無屋樹其中曰木有木者土主生萬物萬物莫善于木故樹木也此其五證也此最其丁寧備解有樹之意也又五經要義云社必樹之曰木周禮司徒職曰班社而樹之各曰土地所生尚書逸篇曰太社惟松東社惟柏南社惟梓西社惟栗北社惟槐此其六證也此又太社及四方皆有樹別之明據也又見諸家禮圖社稷圖皆畫爲樹惟誠社誠稷無樹此其七證也雖辨有樹之據猶未正所植之木案論語稱夏后氏曰松殷人曰柏周人曰栗便是世代不同而尚書逸篇則云太社惟松東社惟柏南社惟梓西社惟栗北社惟槐如此便目一代之中而五社各異也愚曰爲宜植曰松何曰言之逸書云太社惟松今者植松不慮失禮惟稷無成證稷乃社之細蓋亦不離松也

魏書劉芳傳
北史四十二

彭城王勰諡議

王挺德弱齡誕資至孝睿性過人學不師授卓爾之操發自天然不羣之美幼而獨出及入參政務綸綍有光爰登中鉉敷明五教漢北告危皇赫問罪王內親藥膳外總六師及宮車晏駕上下哀慘奮猛銜戚英略潛通翼衛靈輿整戎振旅歷次宛謝迄于魯陽送往奉居無慙周霍稟遺作輔遠至邇安分陝恆方流詠燕趙廓清江西威懾南越入釐百揆庶績咸熙履勤不憚在功愈挹溫恭愷悌忠雅寬仁與居有度善終篤始高尚厥心功成身退義亮聖衷美光世典依諡法保大定功曰武善問周達曰宜諡曰武宣王

魏書彭城王勰傳永平元年太常卿劉芳議

上尙書言

詞樂諧音本非所曉且國之大事亦不可決于數人今請更集朝彥眾辨是非明取典據資決元凱然後營制

魏書樂志永平二年秋高肇等奏使劉芳

更造樂器詔可
芳上何書言

上言參制舞名并制新曲

觀古帝王罔不據功象德而制舞名及諸樂章今欲教文武二舞
施之郊廟請參制二舞之名竊觀漢魏已來鼓吹之曲亦不相緣
今亦須制新曲曰揚皇家之德美

魏書樂志永平三年冬芳上言

又上言

臣聞樂者感物移風諷氓變俗先王所曰教化黎元湯武所曰

原

一葉魏書樂志永平三年冬芳又上言

陳終德爲祖母持重議

案喪服乃士之正禮含有天子諸侯卿大夫之事其中時復下同
庶人者皆別標顯至如傳重自士曰上古者卿士咸多世位又士
曰上乃有宗廟世儒多云嫡孫傳重下通庶人曰爲差謬何曰明
之禮稽命徵曰天子之元士二廟諸侯之上士亦二廟中下士一

廟一廟者祖廟共廟祭法又云庶人無廟既如此分明豈得通于庶人也傳重者主宗廟非謂庶人祭于寢也兼累世承嫡方得爲嫡子嫡孫耳不爾者不得繼祖也又鄭立別變除云爲五世長子服斬也魏晉以來不復行此禮矣案喪服經無嫡孫爲祖持重三年正文唯有爲長子三年嫡孫替傳及注因說嫡孫傳重之義今世既不復爲嫡子服斬卑位之嫡孫不陵諸叔而特重則可知也且準終德資階方之于古未登下士庶人在官復無斯禮攷之舊典驗之今世則茲範罕行且諸叔見存喪主有寄宜依諸孫服替爲允

魏書禮志四永平四年太常卿劉芳議又見通典八十九

又議

國子所云喪服雖曰士爲主而必下包庶人本亦不謂一篇之內全不下同庶人正言嫡孫傳重專士曰上此經傳之正文不及庶人明矣戴德喪服變除云父爲長子斬自天子達于士此皆士曰

上乃有嫡子之明據也。且承重者曰其將代已爲宗廟主。廟主了不云廢。又其證也。所引大夫不世者。此公羊穀梁近儒小道之書。至如左氏詩易尙書論語皆有典證。或是未瘠許叔重五經異義云。今春秋公羊穀梁說卿大夫世位。則權并一姓。謂周尹氏齊崔氏也。而古春秋左氏說卿大夫皆得世祿。傳曰官族易曰食舊德。舊德謂食父故祿也。尙書曰世選爾勞。予不絕爾善。詩云惟周之士不顯奕世。論語曰興滅國繼絕世。國謂諸侯。世謂卿大夫也。斯皆正經及論語士曰上世位之明證也。士皆世祿也。八品者一命斯乃信然。但觀此據可謂觀其綱未照其目也。案晉官品令所制九品皆正無從。故曰第八品準古下士。今皇朝官令皆有正從。若曰其員外之資爲第十六品也。豈得爲正八品之士哉。推攷古今

謹如前議

魏書禮志四

窮通論

北史四十二失

賜進士出身三品銜廣東等處提刑按察使司按察使兼管驛傳事務黃岡王毓藻校刊

全後魏文卷三十八終

全後魏文卷三十九

烏程嚴可均校輯

賈思伯

思伯字士休武威人居齊郡益都仕孝文爲奉朝請太子步兵校尉中書舍人轉中書侍郎宣武卽位轉輔國將軍除鴻臚少卿出爲滎陽太守遷征虜將軍南青州刺史除征虜將軍光祿少卿遷左將軍兖州刺史孝明時徵爲給事黃門侍郎未拜改授太尉長史除安東將軍廷尉卿轉衛尉卿遷太常卿兼度支尙書轉正都官進侍講孝昌元年卒贈鎮東將軍青州刺史又贈尙書右僕射諡曰文貞

明堂議

案周禮考工記云夏后氏世室殷重屋周明堂皆五室鄭注云此三者或舉宗廟或舉王寢或舉明堂互言之自明其制同也若然

則夏殷之世已有明堂矣。唐虞以前其事未聞。戴德禮記云：明堂凡九室十二堂。蔡邕云：明堂者天子太廟饗功養老教學選士皆于其中。九室十二堂案戴德撰記世所不行。且九室十二堂其于規制恐難得厥衷。周禮營國左祖右社明堂在國之陽則非天子太廟明矣。然則禮記月令四堂及太室皆謂之廟者當曰天子暫配饗五帝故耳。又王制云：周人養國老于東膠。鄭玄注云：東膠卽辟雍在王宮之東。又詩大雅云：邕邕在宮。肅肅在廟。鄭注云：宮謂辟雍宮也。所曰助王養老則尙和助祭則尙敬。又不在明堂之驗矣。案孟子云：齊宣王謂孟子曰：吾欲毀明堂。若明堂是廟則不應有毀之間。且蔡邕論明堂之制云：堂方一百四十尺。象坤之策。屋圓徑二百一十六尺。象乾之策。方六丈。徑九丈。象陽陰九六之數。九室曰象九州。屋高八十一尺。象黃鍾九九之數。二十八柱曰象宿。外廣二十四丈。曰象氣。案此皆曰天地陰陽氣數爲法而室獨

象九州何也若立五室曰象五行豈不快也如此蔡氏之論非爲通典九室之言或未可從竊尋考工記雖是補闕之書相承已久諸儒注述無言非者方之後作不亦優乎且孝經援神契五經要義舊禮圖皆作五室及徐劉之論同考工者多矣朝廷若獨絕今古自爲一代制作者則所願也若猶祖述舊章規摹前事不應捨殷周成法襲近代妄作且損益之極極于三王後來疑議難可準信鄭立云周人明堂五室是帝各有一室也合于五行之數周禮依數目爲之室施行于今雖有不同時說然耳尋鄭此論非爲無當案月令亦無九室之文原其制置不乖五室其青陽右个卽明堂左个明堂右个卽總章左个總章右个卽玄堂左个玄堂右个卽青陽左个如此則室猶是五而布政十二五室之理謂爲可案其方圓高廣自依時量戴氏九室之言蔡子廟學之議子榦靈臺之說裴逸一屋之論及諸家紛紜竝無取焉

魏書賈思伯傳

賈思繼

思繼爲高陽太守

齊民要術序

蓋神農爲耒耜曰利天下堯命四子敬授民時舜命后稷食爲政
首禹制土田萬國作乂殷周之盛詩書所述要在安民富而教之
管子曰一農不耕民有飢者一女不織民有寒者倉廩實知禮節
衣食足知榮辱丈人曰四體不勤五穀不分孰爲夫子傳曰人生
在勤勤則不匱語曰力能勝貧謹能勝敵蓋言勤力可曰不貧謹
身可曰避敵故李悝爲魏文侯作盡地利之教國曰富彊秦孝公
用商君急耕戰之賞傾奪鄰國而雄諸侯淮南子曰聖人不恥身
之賤也愧道之不行也不憂命之長短而憂百姓之窮是故禹爲
治水曰身解于陽肝之河湯由苦旱曰身禱于桑林之祭神農惟
悴堯瘦臞舜黎黑禹胼胝由此觀之則聖人之憂勞百姓亦甚矣

故自天子已下至于庶人四肢不勤思慮不用而事治求贈者未之聞也故田者不彊園倉不盈將相不彊功烈不成仲長子曰天爲之時而我不農穀亦不可得而取之青春至焉時雨降焉始之耕田終之簞簋情者金之勤者鍾之烈夫不爲而尚乎食也哉譙子曰朝發而夕異宿勤則菜盈傾筐且苟有羽毛不織不衣不能茹草飲水不耕不食安可曰不自力哉晁錯曰聖王在上而或不凍不飢者非耕而食之織而衣之爲開其資財之道也夫寒之于衣不待輕煖飢之于飧不待甘旨飢寒至身不顧廉恥一日不再食則飢終歲不製衣則寒夫腹飢不得食體寒不得衣慈母不能保其子君亦安得曰有民夫珠玉金銀飢不可食寒不可衣粟米布帛一日不得而飢寒至是故明君貴五穀而賤金玉劉陶曰民可百年無貨不可一朝有飢故食爲至急陳思王曰寒者不貪尺玉而思裋褐飢者不願千金而美一食千金尺玉至貴而不若一

食祿褐之惡者。物時有所急也。誠哉言乎。神農倉頡聖人者也。其
于事也。有所不能矣。故趙過始爲牛耕。竇勝耒耜之利。蔡倫立意
造紙。豈方縑牘之煩。且耿壽昌之常平倉。桑弘羊之均輸法。益國
利民。不朽之術也。諺曰。智如禹湯。不如常耕。是曰樊遲請學稼。孔
子荅曰。吾不如老農。然則聖賢之智。猶有所未達。而況于凡庸者
乎。猗頓魯窮士。聞陶朱公富。問術焉。告之曰。欲速富。畜五牴。乃畜
牛羊。子息萬計。九真廬江。不知牛耕。每致困乏。任延王景。乃令鑄
作田器。教之墾闢。歲歲開廣。百姓充給。敦煌不曉作犂。犂及種人
牛。功力既費。而收穀更少。皇甫隆乃教作犂。犂所省傭力過半。得
穀加五。又敦煌俗。婦女作裙。擘縮如羊腸。用布一匹。隆又禁改之。
所省復不貲。苧充爲桂陽令。俗不種桑。無蠶織絲麻之利。類皆曰。
麻泉頭貯衣。民情窳少。麤履足多。割裂血出。盛冬皆然。火燎炙。充
教民益種桑柘。養蠶織履。復令種苧麻。數年之間。大賴其利。衣履

溫煖。今江南知桑蠶織履皆充之教也。五原土宜豚棗而俗不知
績織。民冬月無衣。積細草臥其中。見吏則衣草而出。崔寔爲作紡
績織衽之具。已敎民得免寒苦。安在不裂乎。黃霸爲潁川。傳郵亭
鄉官皆畜雞豚。已贖鰥寡貧弱者。及務耕桑節用。殖財種樹。鰥寡
孤獨有死無已葬者。鄉部書言。霸具爲區處。某所大木可已爲棺。
某亭豚子可已爲祭。吏往皆如言。冀遂爲渤海。勸民務農桑。令口
種一株榆。百本薤。五十本葱。一畦韭。家二母雞。五母雞。民有帶持
刀劒者。使賣劒買牛。賣刀買犢。曰。何如帶牛佩犢。春夏不得不趣
田畝。秋冬課收斂益。畜果實。菱芡。吏民皆富實。召信臣爲南陽。好
爲民興利。務在富之。躬勸耕農。出入阡陌。止舍鄉亭。稀有安居時。
行視郡中。水泉開通。溝瀆起。水門提閘凡數十處。已廣溉灌。民得
其利。畜積有餘。禁止嫁娶送終奢靡。務出于儉約。郡中莫不耕稼
力田。吏民親愛。信臣號曰召父。童恢爲不其令。率民養一豬。雌雞。

四頭。曰供祭祀買棺木。顏裴爲京兆。乃令整阡陌。樹桑果。又課曰。閒月取材。使得轉相告戒。教匠作車。又課民無牛者。令畜豬。投貴時。賣曰買牛。始者民曰爲煩。一二年閒。家丁車大牛整頓豐足。王丹家累千金。好施與。周人之急。每歲時後。祭其強力收多者。輒歷載酒肴。從而勞之。便于田頭樹下。飲食勸勉之。因畱其餘肴而去。其情者。獨不見勞。各自恥不能致丹。其後無不力田者。聚落曰致殷富。杜畿爲河東。課勸耕桑。民畜牝牛。草馬下逮雞豚。皆有章程。家家豐實。此等豈好爲頓擾而輕費損哉。蓋曰庸人之性。率之則自力。縱之則惰窳耳。故仲長子曰。叢林之下。爲倉庾之坻。魚鼈之堀。爲耕稼之場者。此君長所用心也。是曰太公封而斥鹵。播嘉穀。鄭白成而關中無饑年。蓋食魚鼈而藪澤之形可見。觀草木而坻堦之勢可知。又曰稼穡不修。桑果不茂。畜產不肥。鞭之可也。拖落不完。垣牆不牢。埽除不潔。管之可也。此督課之方也。且天子親耕。

皇后親蠶、況夫田父而懷厭情乎、李衡于武陵龍陽汎洲上作宅、種柑橘千樹、臨卒敕兒曰、吾州里有千頭木奴、不責汝衣食、歲上一匹絹、亦可足用矣、吳末柑橘成歲、得絹數千匹、恆稱太史公所謂江陵千樹橘、與千戶侯等者也、樊重欲作器物、先種梓漆、時人嗤之、然積以歲月、皆得其用、向之笑者、咸求假焉、此種植之不可已也、諺曰、一年之計、莫如種穀、十年之計、莫如樹木、此之謂也、書曰、稼穡之艱難、孝經曰、用天之道、因地之利、論語曰、百姓不足、君孰與足、漢文帝曰、朕爲天下守財矣、安敢妄用哉、孔子曰、居家理、政、治可移于官、然則家猶國、國猶家、是已、家貧思良妻、國亂思良相、其義一也、夫財貨之生、既艱難矣、用之又無節、凡人之性好懶惰矣、率之又不譴、加日政令失所、水旱爲災、一穀不登、鬻腐相繼、古今同患、所不能止也、嗟乎、且飢者有過甚之願、渴者有兼量之情、既飽而後輕食、既煖而後輕衣、或由年穀豐穰而忽于蓄積、或

由布帛優賒而輕于施與窮窘之來所由有漸故管子曰桀有天下而用不足湯有七十里而用有餘天非獨爲湯雨菽粟也蓋言用之已節仲長子曰鮑魚之肆不自己氣爲臭四夷之人不自己食爲異生習然也居積習之中見生然之事孰自知也斯何異蓼中之蟲而不知藍之甘乎今采摭經傳爰及歌謠詢之老成驗之行事起自耕農終于醢醢資生之業靡不畢書號曰齊民要術凡九十二篇分爲十卷卷首皆有目錄于文雖煩尋覽差易其有五穀果蔬非中國所植者存其名目而已種植之法蓋無聞焉捨本逐末賢哲所非日富歲貧飢寒之漸故商賈之事闕而不錄花草之流可已悅目徒有春華而無秋實匹諸浮僞蓋不足存鄙意曉示家童米敢聞之有識故丁寧周至言提其耳每事指斥不尙浮辭覽者無或嗤焉賈思勰序

甄琛

琛字思伯中山無極人漢太保邯之後孝文時舉秀才太和初拜中書博士遷諫議大夫轉通直散騎侍郎出爲本州征北府長史後爲衛軍陽平王頤長史宣武卽位拜中散大夫兼御史中尉轉通直散騎常侍仍兼中尉遷侍中坐事免歸復除散騎常侍領給事黃門侍郎定州大中正遷河南尹加平南將軍轉太子少保孝明卽位出爲營州刺史加安北將軍除鎮西將軍涼州刺史徵拜太常卿除吏部尙書出爲征北將軍定州刺史徵爲車騎將軍特進又拜侍中正光五年卒贈司徒尙書左僕射諡曰孝穆

請弛鹽禁表

王者道同天壤施齊造化濟時拯物爲民父母故年穀不登爲民祈祀乾坤所惠天子順之山川祕利天子通之苟益生民損躬無吝如或所聚唯爲賑恤是日月令稱山林藪澤有能取蔬食禽獸

者皆野虞教導之其迭相侵奪者罪之無赦此明導民而弗禁通
有無曰相濟也周禮雖有川澤之禁正所曰防其殘盡必令取之
有時斯所謂障護雖在公更所曰爲民守之耳且一家之長惠及
子孫一運之君澤周天下皆所曰厚其所養曰爲國家之富未有
尊居父母而醢醢是吝富有商品而一物是規今者天爲黔首生
鹽國與黔首障護假獲其利是猶富專口斷不及四體也且天下
夫婦歲貢粟帛四海之有備奉一人軍國之資取給百姓天子亦
何患乎貧而苟禁一池也古之王者世有其民或水火曰濟其用
或巢宇曰誨其居或教農曰去其飢或訓衣曰除其傲故周詩稱
教之誨之飲之食之皆所曰撫覆導養爲之求利者也臣性昧知
理識無遠尙每觀上古愛民之迹時讀中葉驟稅之書未嘗不歎
彼遠大惜此近狹今僞樊相承仍崇關鄘之稅大魏恢博唯受穀
帛之輸是使遠方聞者罔不歌德昔宣父曰棄寶得民願鼠曰受

財失畧、君王之義、宜其高矣。魏之簡稅、惠實遠矣。語稱出內之吝、有司之福、施惠之難、人君之禍。夫曰府藏之物、猶曰不施而爲災、況府外之利、而可吝之于黔首、且善藏者藏于民、不善藏者藏于府、藏于民者民欣而君富、藏于府者國怨而民貧。國怨則示化有虧、民貧則君無所收。願施茲鹽禁、使沛然遠及。依周禮置川衡之法、使之監導而已。

魏書甄琛傳世宗踐阼召琛兼御史中尉琛表

請取武官領里尉曰清輦輟表

詩稱京邑翼翼、四方是則者、京邑是四方之本、安危所在、不可不清。是曰國家居代、患多盜竊。世祖太武皇帝親自發憤、廣置主司、里宰皆曰下代令長及五等散男有經略者、乃得爲之。又多置吏士、爲其羽翼、崇而重之、始得禁止。今遷都已來、天下轉廣、四遠赴會、事過代都、五方雜沓、難可備簡。寇盜公行、劫害不絕、此由諸坊混雜、釐比不精、主司闇弱、不堪檢察故也。凡使人攻堅木者、必爲

之擇良器今河南郡是陛下天山之堅木盤根錯節亂植其中六部里尉卽攻堅之利器非貞剛精銳無以治之今擇尹旣非南金里尉鈹刀而割欲望清肅都邑不可得也里正乃流外四品職輕任碎多是下才人懷苟且不能督察故使盜得容姦百賦失理邊外小縣所領不過百戶而令長皆曰將軍居之京邑諸坊大者或千戶五百戶其中皆王公卿尹貴勢姻戚豪猾僕隸蔭養姦徒高門邃宇不可干問又有州郡俠客蔭結貴遊附黨連羣陰爲市劫比之邊縣難易不同今難彼易此實爲未愜王者立法隨時從宜改弦易調明主所急先朝立品不必卽定施而觀之不便則改今閑官靜任猶懸長兼沉煩劇要務不得簡能下頗請取武官中八品將軍已下幹用貞濟者曰本官俸恤領里尉之任各食其祿高者領六部尉中者領經途尉下者領里正不爾請少高里尉之品選下品中應遷之者進而爲之則督責有所繫轂可清

魏書甄琛傳甄琛何

南尹表

奏彈張彝邢巒

非武非兇率彼曠野

北史四十三張彝傳宣武親政罷六輔彝與兼尚書邢巒開處分非常罷出京奔走為細

史中尉彈深所彈

裴延儁

延儁字平子河東聞喜人孝文時舉秀才射策高第除著作佐

郎遷尚書儀曹郎轉殿中郎太子洗馬領本邑中正及太子友

太子恂廢日宮官例免尋除太尉掾兼太子中舍人宣武初為

散騎侍郎除雍州平西府長史加建威將軍入為中書侍郎除

司州別駕加鎮遠將軍歷太子中庶子加冠軍將軍孝明時遷

散騎常侍加前將軍又加平西將軍除廷尉卿出為平北將軍

幽州刺史拜太常卿除七兵尚書安南將軍徙殿中尚書加中

軍將軍轉散騎常侍中書令御史中尉兼侍中吏部尚書莊帝

時于河陰遇害贈雍州刺史

上宣武帝疏諫專心釋典不事墳籍

臣聞有堯文思欽明稽古嬀舜體道慎典作聖漢光神敎軍中讀
書魏武英規馬上翫籍先帝天縱多能克文克武營遷謀伐手不
釋卷良曰經史義深補益處廣雖則劬勞不可暫輟斯乃前王之
美寶後王之水鏡善足曰遵惡足曰誡也陛下道悟自深淵鑒獨
得昇法座于宸闈釋覺善于日宇凡在聽矚塵蔽俱開然五經治
世之模六籍軌俗之本蓋曰訓物有漸應時匪妙必須先羅後精
乘近卽遠伏願經書互覽孔釋兼存則內外俱周真俗斯囑

傳

上言王買劉景暉赦後復合死坐

法例律諸逃亡赦書斷限之後不自歸首者復罪如初依賊律謀
反大逆處置梟首其延陵法權等所謂月光童子劉景暉者妖言

惑服事在赦後亦合死坐

魏書刑罰志熙平中有冀州妖賊延陵王買負罪逃亡赦書限斷之後不自歸

首延討卿裴延儁上言

裴伯茂

伯茂延儁從子孝明初爲奉朝請大將軍京兆王繼體曹參軍歷長孫承業行臺郎中承業還朝仍知行臺事召功封平陽伯再遷散騎常侍典起居注太昌初爲中書侍郎永熙中爲廣平王贊文學後加中軍大將軍天平末卒贈衛將軍度支尙書雍州刺史重贈吏部尙書諡曰文

豁情賦序

余攝養舛和服餌寡術自春徂夏三嬰湊疾雖桐君上藥有時致效而草木下性實縈衿抱故復究覽莊生具體齊物物我兩忘是非俱遣斯人之達吾所師焉故作是賦所目託名豁情寄之風謠矣

魏書裴伯茂傳曾爲豁情賦其序略

遷都賦

魏書裴伯茂傳天平初遷都又爲遷都賦佚

鄭道昭

道昭字僖伯滎陽開封人孝文時中書學生遷祕書郎拜主文中散徒員外散騎侍郎祕書丞兼中書侍郎尋正除中書郎轉通直常侍宣武卽位徙司徒諮議參軍拜國子祭酒又爲司州州都遷祕書監滎陽邑中正出爲平東將軍光州刺史轉青州刺史復入爲祕書監加平南將軍熙平元年卒贈鎮北將軍相州刺史諡曰文恭

求樹漢魏石經表

臣竊曰爲崇治之道必也須才養才之要莫先于學今國子學堂房廡置弦誦闕爾城南太學漢魏石經已墟殘毀藜藿蕪穢遊兒牧豎爲之歎息有情之輩實亦悼心況臣親司而不言露伏願天慈回神紆眄賜垂鑒察若臣微意萬一合允求重敕尙書門下攷

論營制之模則五雍可翹立而興毀銘可不日而就樹舊經于帝京播茂範于不朽斯有天下者之美業也

魏書鄭義附傳道昭遷國子祭酒上表不從

請置學官生徒表

臣聞唐虞啟運、曰文德爲本、殷周致治、曰道藝爲先、然則禮樂者爲國之基、不可斯須廢也、是故周敷文教、四海宅心、魯秉周禮、強齊歸義、及至戰國紛紜、干戈遞用、五籍灰焚、羣儒坑歿、賊仁義之經、貴戰爭之術、遂使天下分崩、黔黎荼炭、數十年間、民無聊生者斯之由矣、爰暨漢祖、于行陳之中、尙優引叔孫通等、光武中興、于撥亂之際、乃使鄭眾、范升、校書東觀、降逮魏晉、何嘗不殷勤于篇籍、篤學于戎伍、伏惟大魏之興也、雖羣凶未殄、戎馬在郊、然猶招集英儒、廣開學校、用能闡道義于八荒、布盛德于萬國、教靡不懷、風無不偃、今者承休平之基、開無疆之祚、定鼎伊瀍、惟新寶曆、九服感至德之和、四垓懷擊壤之慶、而蠢爾閩吳、阻化江湫、先帝爰

震武怒戎車不息而停鑾佇蹕畱心典墳命故御史中尉臣李彪
與吏部尙書任城王臣澄等妙選英儒已宗文教澄等依旨置四
門博士四十人其國子博士大學博士及國子助教宿已簡置伏
尋先旨意在速就但軍國多事未遑營立自爾迄今垂將一紀學
官凋落四術寢廢遂使碩儒耆德卷經而不談俗學後生遺本而
逐末進競之風實由于此矣伏惟陛下欽明文思立鑒洞遠越會
未歟務修道已來之遐方後服敷文教而懷之垂心經素優柔墳
籍將使化越軒唐德隆虞夏是故屢發中旨敦營學館房宇既修
生徒未立臣學陋全經識蔽篆素然往年剛定律令謬預議筵謹
依準前修尋訪舊事參定學令事訖封呈自爾迄今未蒙報判但
廢學歷年經術淹滯請學令并制早敷施行使選授有依生徒可
準

魏書鄭義附傳又見北史三十五

又表

竊惟州遷中縣年將一紀，搢紳礪業，俎豆闕聞，遂使濟濟明朝，無
觀風之美，非所曰光國宣風，納民軌義。臣自往年以來，頻請學令，
竝置生員，前後累上，未蒙一報。故當曰臣識淺濫官，無能有所感
悟者也。館宇既修，生房初構，博士見員足可講習，雖新令未班，請
依舊權置國子學生，漸開訓業，使播教有章，儒風不墜。後生覩徒
義之機，學徒崇知新之益。至若孔廟既成，釋奠告始，揖讓之容，請
俟令出。

魏書鄭義附傳
道昭又表不報

天柱山銘

孤峯秀峙，高冠霄星。實曰天柱，鎮帶萊城。懸崖萬仞，峻極霞亭。據
日開月，麗景流精。朝暉岩室，夕曜松青。九仙儀彩，餘用棲形。龍遊
鳳集，斯處斯寧。淵緜窮想，照燭空溟。道暘時乘，晔光幽明。雲門煙
石，登之長生。

天下名勝志

齊亭銘

申岳先生鄭道昭之白雲堂北齊書鄭述祖傳初述祖父爲兗州
千城蒲小山起齊亭刻石爲記述祖
時年九歲及爲刺史往尋
舊述得一破石有銘云

賜進士出身一品銜廣東等處提刑按察使司按察使兼管驛傳事務黃岡王毓藻校刊

全後魏文卷三十九終

全後魏文卷四十

烏程嚴可均校輯

孫惠蔚

惠蔚字叔炳武邑武遂人小字陁羅本單名蔚宣武詔加惠號
惠蔚法師太和初郡舉孝廉對策爲中書博士轉皇宗博士遷
太廟令宣武卽位歷充從僕射遷祕書丞武邑郡中正又兼黃
門侍郎遷中散大夫正黃門代崔光爲著作郎遷國子祭酒祕
書監延昌中封東疆縣男孝明卽位出爲平東將軍濟州刺史
還除光祿大夫神龜元年卒贈大將軍瀛州刺史諡曰戴

上書言童子衰麻如成人

臣雖識謝古人然微涉傳記近取諸身遠取諸禮驗情曰求理尋
理曰推制竊謂童子在幼之儀居喪之節冠杖之制有降成人衰
麻之服略爲不異曰玉藻三簡微足明之曰童子之節錦紳并紐

錦卽大帶既有佩觿之革又有錦紉之紳此明童子雖幼已備二帶。曰凶類吉則腰經存焉。又曰童子無總服鄭注曰雖不服總猶免深衣是許其有裳但不殊上下又深衣之制長幼俱服童子爲服之總猶免深衣況居有服之軼而反無裳乎臣又聞先師舊說童子常服類深衣褻裳所施理或取象但典無成言故未敢孤斷又曰聽事則不麻則知不聽事麻矣故注曰無麻往給事此明族人之喪童子有事貫經帶麻執事不易故暫聽去之曰便其使往則不麻不往則經如使童子本自無麻禮腰首聽與不聽俱闕兩經唯舉無麻足明不備豈得言聽事則不麻乎曰此論之有經明矣且童子不杖不廬之節理儉于責疑不裳不經之制未覩其說又臣竊解童子不衣裳之記是有聞之言將謂童子時甫稚齡未就外傳出則不交族人內則事殊長者後旨父母之前往來慈乳之手故許其無裳曰便易之若在志學之後將冠之初年居二九

質竝成人受道成均之學擇某上庠之內將命孔氏之門執燭會
參之室而唯有掩身之衣無蔽下之裳臣愚未之安矣又女子未
許嫁二十則笄觀祭祀納酒漿助奠廟堂之中視禮至敬之處其
于婉容之服寧無其備曰此推之則男女雖幼理應有裳但男子
未冠禮謝三加女子未出衣殊狄緣無名之服禮文罕見童子雖
不當室苟曰成人之心則許其人服緦之經輕猶有絰斬重無麻
是爲與輕而專重非禮之意此臣之所曰深疑也又衰衾有衽曰
掩裳際如使無裳衽便徒設若復去衽衰又不備設有齊斬之故
而便成童男女唯服無衽之衰去其裳經此必識禮之所不行亦
曰明矣若不行于己而立制于人足爲違制曰爲法從制曰誤人
恕禮而行理將異此

魏書禮志三太和十九年太師馮熙薨有數
子尚幼議者曰爲童子之節事降成人謂爲
衰而不參免而不經又無腰麻繆垂
雖有絞帶時博士孫惠蔚上書言

上疏請校補祕書

臣聞聖皇之御世也、必幽贊人經參天、或地憲章典故、述遵鴻猷、故易曰、觀乎天文、以察時變、觀乎人文、以化成天下、然則六經百氏、圖書祕籍、乃承天之正術、治人之貞範、是已溫柔疏遠、詩書之教、恭儉易良、禮樂之道、父彖已精微爲神、春秋已屬辭爲化、故大訓炳于東序、藝文光于麟閣、斯實太平之樞宗、勝殘之要道、有國之靈基、帝王之盛業、安上靖民、敦風美俗、其在茲乎、及秦棄學術、禮經泯絕、漢興求訪、典文載舉、先王遺訓、燦然復存、暨光武撥亂、日不暇給、而入洛之書、二千餘兩、魏晉之世、尤重典墳、收亡集逸、九流成備、觀其鳩閱史篇、訪購經論、紙竹所載、略盡無遺、臣學闕通儒、思不及遠、徒循章句、片義無立、而慈造曲覃、賈賈班祕省、忝官承乏、唯書是司、而觀閱舊典、先無定目、新故雜糅、首尾不全、有者累帙數十、無者曠年不寫、或篇第褫落、始末淪殘、或文壞字誤、謬爛相屬、篇目雖多、全定者少、臣今依前丞臣盧昶所撰甲乙新錄

欲裨殘補闕損併有無校練句讀已爲定本次第均寫永爲常式
其省先無本者廣加推求令足然經記浩博諸子紛綸部帙
既多章篇紕繆當非一一校書歲月可了今求合四門博士及在
京儒生四十人在祕書省專精校攷參定字義如蒙聽許則典文
允正羣書大集魏書孫惠蔚傳惠蔚既入東
觀見典籍未周上疏詔許之
上言禪終應禡明年應禪

臣聞國之大禮莫崇明祀祀之大者莫過禘祫所已嚴祖敬宗追
養繼孝合享聖靈審諦昭穆遷毀有恆制尊卑有定體誠懋著于
中百順應于外是已惟王制制爲建邦之典仲尼述定爲不刊之
式暨秦燔詩書鴻籍泯滅漢氏興求拾綴遺策淹中之經孔安所
得唯有卿大夫士饋食之篇而天子諸侯享廟之祭禘祫之禮盡
亡曲臺之記戴氏所述然多載尸灌之義牲獻之數而行事之法
備物之體蔑有具焉今之取證唯有王制一簡公羊一冊攷此二

書曰求厥旨自餘經傳雖時有片記至于取正無可依攬是曰兩
漢淵儒魏晉碩學咸據斯文曰爲朝典然持論有深淺及義有精
浮故令傳記雖一而探意乖舛伏惟孝文皇帝合德乾元應靈誕
載立思洞微神心曷古禮括商周樂宣韶濩六籍幽而重昭五典
淪而復顯舉二經于和衷一姬公于洛邑陛下歆哲淵凝欽明道
極應必世之期屬功成之會繼文垂則實惟下武而禘祫二殷國
之大事烝嘗合享朝之盛禮此先皇之所畱心聖懷曰之永慕臣
聞司疑宗初開致禮清廟敢竭愚管輒陳所懷謹案王制曰天子
禘祫祫祫嘗祫烝鄭玄曰天子諸侯之喪畢合先君之主于祖
廟而祭之謂之祫後因曰爲常魯禮三年喪畢而格于太祖明年
春禘于羣廟自爾之後五年而再殷祭一祫一禘春秋公羊魯文
二年八月丁卯大事于太廟傳曰大事者何大祫也大祫者何合
祭也毀廟之主陳于太祖未毀廟之主皆升合食于太祖五年而

再殷祭何休曰陳者就陳列太祖前太祖東鄉昭南鄉穆北鄉其餘孫從王父父曰昭子曰穆又曰殷盛也謂三年祫五年禘禘所
目異于祫者功臣皆祭也祫猶合也禘猶諦也審諦無所遺失祭
記傳之文何鄭祫禘之義略可得聞然則三年喪畢祫祭太祖明
年春祀遍禘羣廟此禮之正也古之道也又案魏氏故事魏明帝
景初三年正月崩至五年正月積二十五晦爲大祥太常孔美
博士趙怡等目爲禫在二十七月到其年四月依禮應祫散騎常
侍王肅博士樂詳等目爲禫在祥月至其年二月宜應祫祭雖孔
王異議六八殊制至于喪畢之祫明年之禘其議一焉陛下永惟
孝思因心卽禮取鄭捨王禫終此晦來月中旬禮應大祫六室神
祊外食太祖明年春享咸禘羣廟自茲以後五年爲常又古之祭
法時祫竝行天子先祫後時諸侯先時後祫此于通典古爲當在
今則煩且禮有升降事有文節通典通時之制聖人弗違當祫之

月宜減時祭。已從要省。然大禮久廢。羣議或殊。已臣觀之。理在無
怪。何者。心制既終。二殷口始。祫禘之正。實在于斯。若停而闕之。唯
行時祭。七聖不聞。合享百辟。不覩盛事。何已。宣昭令問。垂式後昆。
平。皇朝同等三代。治邁終古。而令微典。缺于昔人。鴻美慚于往志。
此禮所不行。情所未許。臣學不鉤深。思無經遠。徒閱章句。蔑爾無
立。但飲澤聖時。銘恩天造。是已。妄盡區區。冀有塵露。所陳蒙允。請
付禮官。集定儀注。魏書禮志二。世宗景明二年六月。祔青
丞徐惠蔚上言云云。又見通典五十。
重議有喪。不作鼓吹。

司空體服衰麻。心懷慘切。其于聲樂。本無作理。但已鼓吹。公議致
有疑論耳。案鼓吹之制。蓋古之軍聲。獻捷之樂。不常用也。有重位
茂勳。乃得備作。方之金石。準之管絃。其爲音奏。雖曰小殊。然其大
體與樂無異。是已。禮云。鼓無當于五聲。五聲不得。不和。竊惟今者。
加台司之儀。蓋欲兼廣威華。若有哀用之無變于吉。便是一人之

身悲樂竝用求之禮情于理未盡二公雖受之于公用之非私出入聲作亦已娛已今既有喪心不在樂笳鼓之事明非欲聞宜從監戒之義廢而勿作但禮崇公卿出入之儀至有趨已采齊行已肆夏和鑾之聲佩玉之飾者所已顯槐鼎之至貴彰宰輔之爲重今二公地處尊親儀殊百辟鼓吹之用無容全去禮有懸而不樂今陳之曰備威儀不作已示哀痛述理節情通典作準愚謂爲允魏書禮志四延昌三年清河王曄有叔母喪高堅有兄子喪竝上言未知出入猶作鼓吹不封祖曹議宜止蔣雅哲韓神固議不闕房景先駁祕書監國子祭酒孫惠蔚及封祖曹重議謂可又見通典八十二案此議列銜先惠蔚而通典專屬祖曹疑別有據今從魏書

樓穀

穀代人歷殿中尙書散騎常侍賜爵常山公加安南將軍遷尙書右僕射加侍中後例降爲侯出爲鎮東將軍定州刺史轉涼州刺史

表諫南伐

伏承六軍雲動問罪荆陽弔民淮表一同臨越但臣愚見私竊未安何者京邑新遷百姓易業公私草創生途索然兼往歲弗稔民多饑饉二三之際嗟惋易興天道悠長宜遵養時晦願抑赫斯以待後日

魏書樓伏連附傳

崔挺

挺字雙根博陵安平人太和初舉秀才射策高第拜中書博士轉中書侍郎賜爵泰昌子轉登聞令遷典屬國下大夫除昭武將軍光州刺史遙授本州大中正景明初北海王詳曰爲司馬卒贈輔國將軍幽州刺史諡曰景

上書諫連坐充役

周書父子罪不相及天下善人少惡人多一旦一人犯罪延及合門司馬牛受桓魋之罰桺下惠嬰盜跖之誅豈不哀哉

魏書崔挺傳時立重制一

人犯罪逃亡合
門充役挺上書

崔孝直

孝直字叔廉挺第四子孝明時行司空參軍員外散騎侍郎宣
威將軍領直轉監遠將軍汝南王開府掾領直寢假征虜將軍
轉直閣將軍通直散騎常侍孝莊末去職後除安東將軍光祿
大夫太昌中又除衛將軍右光祿大夫皆不就

顧命諸子

吾才疏效薄于國無功若朝廷復加贈諡宜循吾意不得祇受若
致干求則非吾子敏已時服祭勿殺生魏書崔挺附傳

崔楷

楷字季則挺從弟宣武初爲奉朝請員外散騎侍郎廣平王懷
文學後爲尚書左主客郎中伏波將軍太子中舍人左中郎將
孝明時京兆王繼西討引爲司馬還轉後將軍廣平太守孝昌

初加持節散騎常侍光祿大夫兼尚書北道行臺轉軍司尋爲
殷州刺史加後將軍爲葛榮所破遇害贈鎮軍將軍定州刺史
永熙中又特贈侍中驃騎大將軍冀州刺史

至殷州請兵仗表

竊惟殷州地實四衝居當五裂西通長山東漸巨野頃國路康寧
四方有截仍聚姦宄桴鼓時鳴況今天長喪亂妖災間起定州逆
虜趙趣北界鄴下兇燼蠶噬腹心兩處犬羊勢足并合城下之戰
匪暮斯朝臣已不武屬此屏捍實思效力已弱敵疆析骸煮弩固
此忠節但基址造創庶事茫然升儲尺刃聊自未有雖欲竭誠莫
知攸濟謹列所須兵仗請垂矜許必當虎視一方遏其侵軼肅清
境內保全所委

魏書崔
辨附傳

治河疏

臣聞有國有家者莫不曰萬姓爲心故矜傷軫于造次求瘼結于

寢興黎民阻饑唐堯致歉眾庶斯饑帝乙罰已良目爲政與農膏
繁民命水旱緣茲日得濟夷險用此而獲安頃東北數州頻年淫
雨長河激浪洪波汨流川陸連濤原隰通望彌漫不已汎濫爲災
戶無擔石之儲家有藜藿之色華壤膏腴變爲烏鹵菽麥禾黍化
作菑藹斯用痛心徘徊潸然佇立也昔洪水爲害四載流于夏書
九土旣平攸同紀自虞誥亮由君之勤恤臣用劬勞日昃忘餐宵
分廢寢伏惟皇魏握圖臨宇愍契裁極道敷九有德被八荒槐階
棘路實維英哲虎門麟閣實曰賢明天地函和日月光曜自比定
冀水潦無歲不饑幽瀛川河頻年汎溢豈是陽九厄會百六鍾期
故曰人事而然非爲運極昔魏國鹹舄史起哂之茲地荒蕪臣實
爲取不揆愚瞽輒敢陳之計水之湊下浸潤無閒九河通塞屢有
變改不可一準古法皆循舊隄何者河決瓠子梁楚幾危宣防旣
建水還舊迹十數年閒戶口豐衍又決屯氏兩川分流東北數郡

之地僅得支存及下通靈鳴水田一路往昔膏腴十分病九邑居
凋離墳井毀滅良由水大渠狹更不開濶淤流壅塞曲直乘之所
致也至若量其逶迤穿鑿溝瀆分立隄塹所在疏通預決其路令
無停蹙隨其高下必得地形土水參功務從便省使地有金隄之
堅水有非常之備鉤連相注多置水口從河入海遠邇逕過瀉其
撓瀉泄此陂澤九月農罷量役計功十月昏正立匠表度縣遣能
工麾畫形勢郡發明使籌察可否審地推岸辨其脈流樹拔分崖
練厥從往別使案檢分部是非畋睨川原明審通塞留境修治不
勞役遠終春自罷未須久功卽目高下營田因于水陸永種秔稻
陸蒔桑麻必使室有久儲門豐餘積其實上葉禦災之方亦爲中
古井田之利卽之近事有可比倫江淮之南地勢沔下雲雨陰霖
動彌旬月遙途遠運惟用舟楫南畝畚菑微事耒耜而眾庶未爲
饑色黔首罕有饑顏豈天德不均致地偏罰故是地勢異圖有茲

豐餽臣既鄉居水際目覩荒殘每思鄭白屢想王李夙宵不昧言
念皇家愚誠丹款實希效力有心螢爝乞暫施行使數州士女無
廢耕桑之業聖世洪恩有賑饑荒之士鄰宰深笑息自一朝臣之
至誠申于今日

魏書崔纂附傳于時冀定
數州頻遭水害崔措上疏

崔纂

纂字叔則挺族子景明中爲太學博士轉員外散騎侍郎襄威
將軍後爲給事中熙平初爲寧遠將軍廷尉正神龜中除左中
郎將領尙書三公郎中呂公事免後爲洛陽令正光中卒贈司
徒左長史

奏請更議劉輝事

伏見旨募若獲劉輝者職人賞二階白民聽出身進一階廝役免
役奴婢爲良案輝無叛逆之罪賞同反人劉宣明之格又尋門下
處奏呂容妃慧猛與輝私姦兩情耽惑令輝挾忿毆主傷胎雖律

無正條、罪合極法、竝處人死、其智壽等二家配敦煌爲兵、天慈廣被、不卽施行、雖恕其命、竊謂未可、夫律令王者所目治天下、不爲喜怒增減、不由親疏改易、案關律祖父母父母忿怒、曰兵刃殺子孫者、五歲刑、毆殺者、四歲刑、若心有愛憎而故殺者、各加一等、雖王姬下降、貴殊常妻、然人婦之孕、不得非子、又依永平四年先朝舊格、諸刑流及死律者、皆首罪判定、後決從者、事必因本、目求支獄、若目輝逃避、便應懸募、未有捨其首罪而成其末愆、流死參差、或時未允、門下中禁大臣職在敷奏、昔邴吉爲相、不存鬪獎、而問牛喘、豈不目同別故也、案容妃等罪止于姦私、若擒之穢席、眾證分明、卽律科處、不越杖刑坐、何得同宮掖之罪、齊奚官之律、案智壽口訴妹適司士曹參軍羅顯貴、已生二女、于其夫則他家之母、禮云婦人不二夫、猶曰不二天、若私門失度、罪在于夫、豈非兄弟昔魏晉未除五族之刑、有免子戮母之坐、何曾諍之、謂在室之女

從父母之刑已醢之婦從夫家之刑斯乃不刊之令軌古今之通
議律許周親相隱之謂凡罪況姦私之醜豈得曰同氣相證論刑
過其所犯語情又乖律憲案律姦罪無相緣之坐不可借輝之忿
加兄弟之刑夫刑人于市與眾棄之爵人于朝與眾共之明不私
于天下無欺于耳目何得曰非正刑書施行四海刑名一失駟馬
不追既有詔旨依即行下非律之案理宜更請魏書刑罰志神龜
中蘭陵公主駟馬

劉輝坐與河陰縣民張智壽妹容妃陳慶和妹慧儀姦亂殿主傷
胎輝懼罪逃亡門下處奏容妃慧猛各入死刑智壽慶和並
情不加防限處曰流坐詔容妃慧猛怨死兇殺付宮餘如
奏尚書三公郎中崔纂執云云又見通典一百六十七

獄成許家人陳訴議

律文獄已成及決竟經所綰而疑有姦欺不直于法及訴冤枉者
得攝訊覆治之檢使處罪者雖已案成御史風彈曰痛誣伏或拷
不承引依證而科或有私嫌彊逼成罪家人訴枉辭案相背刑憲
不輕理須訊鞫既為公正豈疑于私如謂窺不測之澤抑絕訟端

則枉滯之徒終無申理若從其案成便乖覆治之律然未判經赦及覆治理狀真偽未分承前旨來如此例皆得復職愚謂經奏遇赦及已覆治得爲獄成

魏書刑罰志延昌三年六月兼廷尉卿元志監王靖等上言獄成不容家人陳訴大

理正崔纂評楊騰丞申休律博士劉安元等議

劉景暉九歲且赦後不合死坐議

景暉云能變爲蛇雉此乃傍人之言雖殺暉爲無理恐赦暉復惑眾是曰依違不敢專執當今不諱之軌不應行無罪之戮景暉九歲小兒口尙乳臭舉動云爲竝不關已月光之稱不出其口皆姦吏無端橫生粉墨所謂爲之者巧殺之者能若曰妖言惑眾據律應死然更不破關惑眾赦令之後方顯其口律令之外更求其罪赦律何旨取信于天下天下焉得不疑于赦律乎書曰與殺無辜寧失有罪又案法例律八十已上八歲已下殺傷論坐者上請議者謂悼耄之罪不用此律愚曰老智如尙父少惠如甘羅此非常

之士可如其議景暉愚小自依凡律魏書別罰志熙平中廷尉卿

暉妖言惑眾事在赦後

公死坐正崔景昌為

無談子論魏書崔挺附傳挺族子景不

為時知乃著無談子論文佚

後主

後主諱緯字仁綱武成帝長子河清四年四月卽位改元三天

統武平隆化在位十三年為周所擒封溫國公明年賜死

錫襍戶詔天統三年九月

諸寺署所緝雜保戶姓高者天保之初雖有優敕權假力用未免

者今可悉錫雜戶任屬郡縣一準平人北齊書後主紀

賜進士出身三品銜廣東等處提刑按察使司按察使兼管驛傳事務黃岡王毓藻校刊

全後魏文卷四十一

烏程嚴可均校輯

封軌

軌字廣度渤海蓆人太和中爲著作佐郎遷尙書儀曹郎中兼員外散騎常侍宣武帝初轉考功郎中除本郡中正除國子學士行東郡太守遷前軍將軍行夏州事轉太子僕射遷廷尉少卿加征虜將軍卒贈右將軍濟州刺史

明堂辟雍議

明堂者布政之宮在國之陽所曰嚴父配天聽朝設教其經構之式蓋已尙矣故周官匠人職云夏后氏世室殷人重屋周人明堂五室九階四戶八窗鄭立曰或舉宗廟或舉正寢或舉明堂互之曰見同制然則三代明堂其制一也案周與夏殷損益不同至于明堂因而弗革明五室之義得天數矣是曰鄭立又曰五室者象

五行也。然則九階者法九土，四戶者達四時，八窗者通八風，誠不易之大範。有國之恆式。若其上圓下方，曰則天地，通水環宮，曰節觀者，茅蓋白盛爲之質飾，赤綴白綴爲之戶牖，皆典籍所具載，制度之明義也。在秦之世，焚滅五典，毀黜三代，變更先聖，不依舊憲，故呂氏月令見九室之義，大戴之禮著十二堂之論，漢承秦法，亦未能改。東西二京俱爲九室，是曰黃圖，白虎通蔡邕應劭等咸稱九室，曰象九州十二堂，曰象十二辰。夫室曰祭天堂，曰布政，依天北史而行而祭，故室不過五，依時布政，故堂不踰四。州之與辰，非所可法。九與十二，其用安在？今聖朝欲尊道訓民，備禮化物，宜則五室，曰爲永制，至如廟學之嫌，臺沼之雜，袁準之徒已論正矣。遺論具在不復須載。魏書封懿附傳又北史二十四

務德戒

慎言戒

遠侯戒

防姦戒

本傳云軌爲四
成文多不載

封偉伯

偉伯字君良，軌子。宣武時，除太學博士。孝明時，清河王懌辟爲太尉參軍。正光末，肅竇竇昌爲關西行臺郎。孝昌中，竇賁建號，昌不從逆，見殺。永安中，追贈散騎常侍、征虜將軍、瀛州刺史。有封氏本錄六卷。

清河國臣爲君母服議

案臣從君服降君一等。君爲母三年，臣則葬。今司空昌仰厭先帝，俯就大功，臣之從服，不容有過。但禮文殘缺，制無正條，竊附情理，謂宜小功。庶君臣之服，不失其序。升降之差，頗會禮意。魏書禮志四：延昌三年，清河王懌所生母羅太妃薨，侍中崔光議君服降大功。國臣服葬。太學博士封偉伯等十人議。

封隆之

隆之字祖裔小名皮偉伯族子初爲奉朝請歷汝南王悅中兵參軍曰平法慶功賜武城子尋兼司徒主簿河南尹丞永安中除撫軍長史龍驤將軍河內太守加特節後將軍假平北將軍中興初拜左光祿大夫吏部尚書行冀州事徵爲侍中尋封安德郡公進儀同三司行并州刺史天平初復入爲侍中除吏部尚書加侍中元象初除冀州刺史加開府興和初復徵爲侍中歷尚書右僕射齊州刺史武定三年卒贈司徒加贈太保諡曰宣懿

爾朱榮配食明帝廟議

榮爲人臣親行殺逆安有害人之母與子對饗攷古詢今未見其

義

北齊書封隆之傳

與齊王啟

斛斯椿賀拔勝賈顯智等往事爾朱中復乖阻及討仲遠又與之

同猜忍之人志欲無限又叱列延慶侯念賢皆在京師王授曰名位此等必構禍隙

北齊書封隆之傳

封祖胄

祖胄名興之、字行隆之弟、延昌中、爲太學博士、孝明時、遷員外郎、出爲瀛冀二州平北府長史、孝昌中卒、天平中、追贈散騎常侍、撫軍將軍、雍州刺史、重贈殿中尚書、諡曰孝、

叔母及兄子喪、出入不作鼓吹議

喪大記云、葬九月之喪、既葬、飲酒食肉、不與人樂之、五月三月之喪、比葬、飲酒食肉、不與人樂之、世叔母故主宗子直云、飲酒食肉、不言不與人樂之、鄭玄云、義服恩輕、曰此推之、明義服葬、容有樂理、又禮大功言而不議、小功議而不及樂、言論之間、尚自不及其于聲作、明不得也、雖復功德樂在宜止

魏書禮志四延昌三年七月司空清河王懌第七叔母北海王妃劉氏薨司徒高澄兄子太子洗馬貞卒並上言未知出入猶作鼓吹不太學博士封祖胄議案通典別載一篇乃重

議也今編于
孫惠蔚卷內

楊椿

楊椿

三

椿字延壽弘農華陰人本字仲考孝文賜改初拜中散典御廐
曹遷內給事領蘭臺行職改授中部曹轉授宮興曹少卿加給
事中出爲安遠將軍豫州刺史遷冠軍將軍濟州刺史免後爲
寧朔將軍梁州刺史尋假節冠軍將軍兼征虜將軍拜光祿大
夫假平西將軍兼太僕卿尋轉正加安東將軍永平中除平北
將軍朔州刺史加撫軍將軍入除都官尚書除定州刺史目私
造佛寺除名爲庶人正光末除輔國將軍南秦州刺史轉授岐
州復除撫軍將軍衛尉卿轉左衛將軍兼尚書右僕射加衛將
軍除雍州刺史進號車騎大將軍儀同三司加侍中行臺呂疾
解歸建義初遷司徒永安初進位太保侍中尋致仕晉泰元年
爲爾朱天光所害太昌初贈太師丞相冀州刺史

上書諫內徙蠕蠕降戶

臣目古人有言、裔不謀夏、夷不亂華、荒忽之人、羈縻而已、是日先朝居之于荒服之間者、正日悅近來遠、招附殊俗、亦日別華戎異內外也、今新附者眾、若舊者見徙、新者必不安、不安必思土、思土則走叛、狐死首丘、其害方甚、又此族類、衣毛食肉、樂冬便寒、南土溼熱、往必將盡、進失歸伏之心、退非藩衛之益、徙在中夏、而生後患、愚心所見、謂爲不可、魏書楊播附傳太和末使楊播持節徙蠕蠕降戶播上書不從元愉之難果悉浮河赴賊所在鈔掠如播所策

誠子孫

我家入魏之始、卽爲上客、給田宅、賜奴婢、馬牛羊、遂成富室、自爾至今、二十年、二千石方伯不絕、祿恤甚多、至于親姻知故、吉凶之際、必厚加贈、禮來往賓客、必日酒肉飲食、是故親姻朋友無憾焉、國家初、丈夫好服綵色、吾雖不記上谷翁時事、然記清河翁時服

飾恆見翁著布衣韋帶常約敕諸父曰汝等後世脫若富貴于今日者慎勿積金一斤綵帛百匹已上用爲富也又不聽治生求利又不聽與勢家作婚姻至吾兄弟不能遵奉今汝等服乘已漸華好吾是已知恭儉之德漸不如上世也又吾兄弟若在家必同盤而食若有近行不至必待其還亦有過中不食忍飢相待吾兄弟八人今存者有三是故不忍別食也又願畢吾兄弟世不異居異財汝等眼見非爲虛假如聞汝等兄弟時有別齋獨食者此又不如吾等一世也吾今日不爲貧賤然居住宅舍不作壯麗華飾者正慮汝等後世不賢不能保守之方爲勢家所奪北都時朝法嚴急太和初吾兄弟三人竝居內職兄在高祖左右吾與津在文明太后左右于時口敕責諸內官十日仰密得一事不列便大嗔嫌諸人多有依蔽密列者亦有太后高祖中間傳言構間者吾兄弟自相誠曰今忝二聖近臣母子間甚難宜深慎之又列人事亦何

容易縱彼順責。慎勿輕言。十餘年中。不嘗言一人罪過。當時大被
嫌責。荅曰。臣等非不聞人言。正恐不審。仰誤聖聽。是言不敢言。于
後終日不言。蒙賞及二聖間言語。終不敢輒爾傳通。太和二十一
年。吾從濟州來朝。在清徽堂豫譚。高祖謂諸王諸貴曰。北京之日
太后嚴明。吾每得杖。左右因此有是非言語。和朕母子者。唯楊椿
兄弟。遂舉賜四兄及我酒。汝等脫若萬一蒙時主知遇。宜深慎言
語。不可輕論人惡也。吾自惟文武才藝。門望姻援。不勝他人。一旦
位登侍中尚書。四歷九卿。十爲刺史。光祿大夫。儀同開府。司徒太
保。津今復爲司空者。正由忠貞。小心謹慎。口不嘗論人過。無貴無
賤。待之曰禮。曰是。故至此耳。聞汝等學時俗人。乃有坐而待客者。
有驅馳勢門者。有輕論人惡者。及見貴勝。則敬重之。見貧賤。則慢
易之。此人行之大失。立身之大病也。汝家仕皇魏。曰來。高祖曰下。
乃有七郡太守。三十二州刺史。內外顯職。時流少比。汝等若能存

禮節不爲奢淫驕慢假不勝人足免尤譴足成名家吾今年始七十五自惟氣力尙堪朝覲天子所目孜孜求退者正欲使汝等知天下滿足之義爲一門法耳非是苟求干載之名也汝等能記吾言百年之後終無恨矣

魏書楊播附傳播致仕臨行誠子孫

楊津

津字羅漢椿弟本字延祚孝文賜改幼除侍御中散遷符璽郎中轉振威將軍領監曹奏事令遷長水校尉景明中拜左右中郎將遷驍騎將軍出除岐州刺史母憂去職延昌末起爲華州刺史孝昌中加安北將軍北道大都督轉左衛加撫軍將軍尋除定州刺史兼吏部尚書北道行臺加衛將軍永安中爲中軍大都督兼領軍將軍進司空加侍中爾朱榮誅爲都督并肆等九州諸軍事驍騎大將軍兼尙書令北道大行臺并州刺史普泰元年遇害于洛太昌初贈大將軍太傅都督雍州刺史謚曰

孝穆

臨岐州下劫賊致

有人著某色衣乘某色馬在城東十里被殺不知姓名若有家人可速收視北史四十一楊津傳有武功人齋絹三匹去賊十里爲賊所劫津乃下教有一老母行哭而出云是已子子是遺物追收并絹俱獲

楊鈞

鈞椿族弟歷廷尉正長水校尉中壘將軍洛陽令出除中山太守入爲司徒左長史又除徐州東荊州刺史還爲廷尉卿拜恆州刺史轉安北將軍懷朔鎮將後爲撫軍將軍七兵尚書北道行臺卒贈車騎大將軍左光祿大夫華州刺史諡曰恭

加兵送阿那瓌入國表

傳聞彼人已立主是阿那瓌同堂兄弟夷人獸心已相君長恐未肯自殺兄之人郊迎其弟輕往虛反徒損國威自非廣加兵眾無

目送其入北

魏書蠕蠕傳正光二年正月遣送阿那瓌時安北將軍懷朔鎮將楊鈞表

楊侃

侃字士業椿兄播之子熙平中襲父爵華陰伯歷汝南王悅太尉騎兵參軍揚州刺史長孫稚錄事參軍進統軍又爲叔父椿雍州錄事參軍帶長安令尋除鎮遠將軍諫議大夫爲長孫稚行臺左丞轉通直散騎常侍建義初爲冠軍將軍東雍州刺史又除中散大夫爲都督鎮潼關還朝除右將軍岐州刺史元顥內逼行北中郎將除鎮軍將軍度支尚書兼給事黃門侍郎敕西縣開國公加征東將軍金紫光祿大夫進爵濟北郡開國公除侍中加衛將軍右光祿大夫普泰元年爲爾朱天光所害太昌初贈車騎將軍儀同三司幽州刺史

奏鑄五銖錢

昔馬援在隴西嘗上書求復五銖錢事下三府不許及援徵入爲

虎賁中郎親對光武申釋其罪事始施行臣頃在雍州亦表陳其事聽人與官竝鑄五銖錢使人樂爲而俗弊得改旨下尙書八座不許曰今況昔卽理不殊求取臣前表經御披析魏書楊播附傳時所用錢人多私鑄稍就薄小乃至風飄水浮木牛幾隨一千楊侃孝莊從之乃鑄五銖錢人見通典九移報梁豫州刺史裴邃

彼之募兵想別有意何爲妄構白捺也他人有心予忖度之勿謂秦無人也魏書楊播附傳播子侃爲揚州錄事參軍梁裴邃規襲壽春謬移云魏修白捺此亦須營歐陽侃移報

班告軍士

今且停軍于此目待步卒兼觀民情向背然後可行若送降名者各自還村候臺軍舉烽火各亦應之目明降款其無應烽火者卽是不降之材理宜殄戮魏書楊播附傳蕭寶夤反楊侃爲長孫稚行云民遂轉相告報一宿間火光遍數百里寇各散歸

長孫慮

慮代人

列辭尙書

父母忿爭本無餘惡直曰謬誤一朝橫禍今母喪未殯父命旦夕慮兄弟五人並各幼稚慮身居長今年十五有一女弟始向四歲更相鞠養不能保全父若就刑交墜溝壑乞以身代老父命使嬰弱眾孤得蒙存立

魏書長孫慮傳母因飲酒其父真呵叱之誤曰杖擊便即致死真爲縣四執處目重坐慮列辭

書

孫道相

道相平昌人

通津頌

惟彼澠泉竭踰三齡祈盡圭璧謁窮斯牲道從隆替隆由聖明經水潛水注陽水時有通塞先公除州卽任未基是水復通海岱之士又頌通津焉案道元父範于獻文帝初爲青州刺史尋解州還京至孝文太和中又除青州刺史

趙巖

疑河閒人

通津頌

敷化未井立澤潛施枯源揚淵涸川滌陂

水經淵水注

郭欽

欽北海人

通津頌

先政輟津我后通洋

水經淵水注

酈道元

道元字善長范陽人太和中爲尚書主客郎累遷治書侍御史
輔國將軍東荊州刺史免起爲河南尹孝明時除安南將軍御
史中尉孝昌三年出爲關右大使至陰盤驛亭爲蕭寶夤所害
有水經注四十卷

七聘

魏書禮道元傳爲七聘及諸文皆行于世文佚

水經注序

易稱天曰一生水故氣微于北方而爲物之先也元中記曰天下之多者水也浮天載地高下無所不至萬物無所不潤及其氣流屈石精薄膚寸不崇朝而澤合靈宇者神莫與並矣是曰達者不能測其淵冲而盡其鴻深也昔大禹記著山海周而不備地理誌其所錄簡而不周尙書本紀與職方俱略都賦所述裁不宣意水經雖粗輟津緒又闕旁通所謂各言其志而罕能備其宣導者矣今尋圖訪蹟者極聆州域之說而涉土遊方者寡能達其津照縱髣髴前聞不能不猶深屏營也余少無尋山之趣長違問津之性識絕深經道淪要博進無訪一知二之機退無觀隅三反之慧獨學無聞古人傷其孤陋捐喪辭書達士嗟其面牆默室求深閉舟問遠故亦難矣然毫管闕天厯筭時昭飲河酌海從性斯畢竊曰

多暇空傾歲月輒述水經布廣前文大傳曰大川相聞小川相屬東歸于海脈其枝流之吐納診其沿路之所躋訪瀆搜渠緝而綴之經有謬誤者攷以附正文所不載非經水常源者不在記注之限但緣古茫昧華戎代襲郭邑空傾川流戕改殊名異目世乃不同川渠隱顯書圖自貿或亂流而攝詭號或直絕而生通稱枉渚交奇洞湍決瀉躋絡枝煩條貫系夥十二經通尙或難言輕流細濠固難辯究正可自獻逕見之心備陳輿徒之說其所不知蓋闕如也所已撰證本經附其枝要者庶備忘誤之私求其尋省之易

水經注聚珍本

案此序諸本皆佚從永樂大典錄出

李義徵

義徵中山盧奴人太和中補清河王懌府記室正光初徙都水使者棄官隱于大房山

爲清河王懌諫靈太后使沙門惠憐曰呪水療病表

臣聞律深惑眾之科禮絕妖淫之禁皆所曰大明居正防遏姦邪
昔在漢末有張角者亦曰此術熒惑當時論其所行與今不異遂
能誑誘生人致黃巾之禍天下塗炭數十年朋角之由也昔新垣
姦不登于明堂五利僥終嬰于顯戮魏書清河王懌傳時有沙門
惠隣自云呪水飲人能差諸
病靈太后使于城西之南治療百姓病懌表諫案北史李先傳
義徵補清河王懌府記室牋書表疏文不加點沙門惠隣曰呪水
飲人義徵自懌稱其妖妄因令
義徵草奏曰諫太后納其言

高道悅

道悅字文欣遼東新昌人居渤海脩縣孝文時歷中書學士侍
御主文中散轉治書侍御史加諫議大夫主爵下大夫轉太子
中庶子太和二十年為太子恂所害諡曰貞

諫水路幸鄴

臣聞博納興言君上之崇務規箴匡正臣下之誠節是曰置鼓設
謫爰自襄日虛襟博聽義屬今辰臣既疏魯濫蒙榮貫司兼獻弼

職當然否。佩過恩華。願陳聞見。竊已都作營構之材。部別科擬。素有定所。工治已訖。回付都水。用造舟艦。闕永固居宇之功。作暫時遊嬉之用。損耗殊倍。終爲棄物。且子來之誠。本期營起。今乃脩繕舟楫。更爲非務。公私同惶。僉深怪愕。又欲御泛龍舟。經由石濟。其沿河挽道。久已荒蕪。舟楫之人。素不便習。若欲委棹正流。深薄之危。古今共慎。若欲挽牽取進。授衣之月。艤形水陸。恐乖視人若子之義。且鄴洛相望。陸路平直。時乘沃若。往來匪難。更乃捨周道之安。卽涉川之殆。此乃愚智等慮。朝野俱惑。進退伏思。不見其可。又從駕羣寮。聽將妻累。舟楫之閒。更無限隔。士女雜亂。內外不分。當今景御休明。惟新式度。裁禮調風。軌物寰宇。竊惟斯舉。或損洪猷。深失溥天順則之望。又氏胡犯順。未恭西道偏戎。旗胃仍襲。南寇對接。迎畿蠻民。疏戾每造。不軌。閭閻閒隙。或生慮外。愚謂應妙選懿親。撫寧後事。令姦回息。覬覦之望。邊寇絕闕。疆之心。臣稟性愚。

直知而無隱區區丹志冒昧已聞魏書高道悅傳高祖將由水路造舟楫道悅諫案文云冒昧已聞
詔云省所上事知是表疏非口諫也

賜進士出身二品銜廣東等處提刑按察使司按察使兼管驛傳事務黃岡王毓藻校刊